

Date : 09 July 2018
Title : UNITEN mahu jana pendapatan R&D
Publication : Utusan Malaysia Mega
Page : 17

Uniten mahu jana pendapatan R&D

TIMBALAN Naib Canselor (Akademik dan Penyelidikan) Universiti Tenaga Nasional (Uniten), **Prof. Datuk Ir. Dr. Ibrahim Hussein** berkata, universiti sentiasa menyokong usaha penyelidikan dan pembangunan (R&D) penyelidikannya yang dapat memberi manfaat kepada negara.

"Komitmen yang ditunjukkan oleh Prof. Madya Dr. Rohayu Che Omar serta kumpulan penyelidikannya beliau sejak tahun 2009 dilihat membuahkan hasil dengan kemenangan beberapa anugerah penyelidikan berprestij dari dalam dan luar negara.

"Besarlah harapan kami agar suatu hari nanti hasil penyelidikan ini dapat digunakan di serata negara untuk

mengurangkan kes kematian yang diakibatkan oleh tanah runtuh," ujarnya.



DR. IBRAHIM HUSSEIN



LARIYAH MOHD. SIDEK

Sementara itu, Penolong Naib Canselor (Penyelidikan) yang juga Ketua Kumpulan Tenaga Lestari dan Alam Sekitar Uniten, **Prof. Datin Dr. Ir. Lariyah Mohd. Sidek** berkata,

pihaknya menyokong usaha penyelidik mengkomersialkan hasil penyelidikan mereka.

"Ini merupakan salah satu objektif dalam perancangan strategik terutama bagi penyelidikan berimpak besar dan memberi faedah kepada masyarakat," ujarnya.

Usaha mengkomersialkan penyelidikan kini dikendalikan



GENTIAN *collupinas* dipasang beg untuk menutup permukaan cerun untuk mengelak kejadian runtuhan.

oleh Uniten R&D Sdn. Bhd., yang ditubuhkan baru-baru ini dan kini ada 10 R&D disenaraikan untuk dikomersialkan. Beliau berkata, hasil penyelidikan perlu

dikomersialkan untuk menjana pendapatan, supaya universiti tidak terlalu bergantung kepada yuran pelajar sahaja untuk beroperasi.



DR. ROHAYU CHE OMAR menunjukkan cecair yang dihasilkan daripada sisa tanaman.